

Barcha ezgu niyatlarimizning markazida farzandlarimizni ham jismoniy, ham ma'naviy jihatdan sog'lom qilib o'stirish, ularning baxt-u saodati, farovon kelajagini ko'rish, dunyoda hech kimdan kam bo'lmaydigan avlodni tarbiyalash orzusi turadi.

Islom KARIMOV

TONG

Vatan yagonadir,
Vatan bittadir!

YULDUZI

Gazeta 1929-yil 1-avgustdan chiqa boshlagan

O'zbekiston Respublikasi bolalar va o'smirlar gazetasi

2009-yil
14-dekabr
N:50
(66747)

ISSN - 2010-6092

2010-yil - Barkamol avlod yili!



KO'ZIM QORACHIG'I

*Umid qo'llaringda misoli bayroq,
Ishonch kelajak-chun yoqilgan mayoq.
Ertangi kuningga doim dadil boq,
Yurtim dilbandlari barkamol avlod!*

*Momolarim aytgan alla dilingda,
Istiqlol qo'shig'i yangrar tilingda.
Vatan kelajagi, shoni qo'lingda,
Yurtim dilbandlari barkamol avlod!*

*Ko'zim qorachig'i Vatan yagona,
Senga gard yuqtirmay bo'lar parvona.
Bundan-da yuksakroq baxt bormi yana,
Yurtim dilbandlari barkamol avlod!*

Bahrom AKBAROV

OBUNA-2010

Respublikamizdagi barcha
nashrlarda bo'lgani kabi kelgusi
yil obuna jarayoni
«Tong yulduzi»
gazetasida ham qizg'in bormoqda.

2 - betda

BOLANGIZGA QUVONCH ULASHING



Joriy yilning 30-noyabrigacha viloyatlar bo'yicha obuna natijalari bilan tanishar ekanmiz, bir narsa ko'nglimizni ko'tardi. Mushtariylarimiz soni yildan-yilga oshib bormoqda. Yana shuni ham ta'kidlashni istardikki, har yilgi an'ana bu yil ham davom etmoqda. Yangi obuna mavsumida dastlabki natijalarga ko'ra, Farg'ona viloyati peshqadamlik qilmoqda. Samarqand, Namangan va Andijon viloyatlari ham peshqadamlar safidan munosib o'rin olish uchun astoydil harakat qilmoqdalar.

Qoraqalpog'iston Respublikasi, Toshkent va Sirdaryo viloyatlarida obuna darajasi pastligi kishini o'ylantiradi. Buxoro, Jizzax, Navoiy, Surxondaryo, Qashqadaryo, Xorazm viloyati va Toshkent shahrida bolalarning sevimli nashriga e'tibor hozircha biroz sustligi sezilmoqda.

Shunga qaramasdan, joylardagi mutasaddi tashkilotlar mazkur holatni o'rganib chiqib, obuna borasida katta o'zgarishlar qilishlariga umid bildiramiz. Shu bilan birga, obuna ishlarini yaxshilashda ota-onalar ham mas'ul ekanliklarini ta'kidlashni istardik.

Gazetamizning 2010-yilgi rejalari Gulkan. «Barkamol avlod» yilida bolalarning sevimli yozuvchilari Nosir Fozilov, Xudoyberdi To'xtaboyev, Tohir Malik, shoirlardan Tursunboy Adashboyev, Anvar Obidjon, Qambar O'tayev va Abdurahmon Akbarlar bu

yil ham bolajonlar uchun eng qiziqarli asarlarini tuhfa qilishlarini va'da berishdi.

Shuningdek, tahririyat xodimlari gazetxonlarning ma'naviy olamini boyitishga xizmat qiluvchi ko'plab maqolalarni jamlab qo'yganlar. «Qizlar akademiyasi», «Dono bobo bekati», «Quvnoq tanaffus» ruknlari bir-biridan qiziq topilmalarga boy bo'lishi kutilmoqda.

Sport sahifasi esa nafaqat bolalar, balki kattalar uchun ham qiziqarli bo'lishi borasida ulkan ishlar qilinmoqda. Turli fanlardan test savollari ham muntazam berib borilishi rejalashtirilgan.

Qadim-qadimdan xalqimiz bolaparvarligi bilan butun dunyoga namuna bo'lib kelgan.

Har bir ota-ona farzandiga biror sovg'a taqdim etishni ko'zlab yuradi. Bolajon sovg'adan mamnun bo'lgan pallada ota-ona quvonchi ko'kka yetadi. Agar bolangizni gazetamizga obuna qilsangiz, bu quvonch har hafta uyingizni munavvar etadi.

Dono xalqimizda «Bolaning bir qo'liga non, bir qo'liga kitob bering», degan naql bor. Yana shuni ham eslatib o'tmoqchi edikki, gazetaning narxi juda arzon. O'g'lingiz yo qizingizni yetaklab, obuna bo'limlariga kirib boring. Bolangizga quvonch ulashing. Sizga baxt va sog'liq tilab,

JAMOA

OMINA XATO QILDI

ladi. Bir chetga to'plaganidan so'ng, oyisining yo'qligidan foydalanib, «Xazonlarni qachon axlat qutisiga olib boraman», degan o'y xayolidan kechdi va ularni yoqib yubordi. U yodlayotgan bayram she'rini xazonbarglar uyumi ustiga tushib qolganidan bexabar edi. Xazonbarglar tutuni ko'chadan o'tayotgan odamlarning yo'talini qo'zg'adi. Kimdir xazon yoqqan odamni la'natladi.

She'rini topa olmayotgan Omina esa birdan xazon yoqayotganida cho'ntagidan tushurib qo'yganligini angladi va qilgan ishidan qattiq afsuslandi. Axir endi bayramda she'r ayta olmas edi-da. Shunday qilib, Omina boshqa xazonbarglarni yoqmaslikka qaror qildi.

**Kuz keldi o'lkaga, atrof tillarang,
Daraxtlar libosin yechmoqda, qarang.
Barglar ko'chalarga to'shar poyonoz,
Siz esa ularni yoqmang, iltimos!**

Nozima MAMATALIYEVA



Bayramga she'r yodlab o'tirgan Ominaga oyisi ko'chadagi xazonbarglarni supurib qo'yishini buyurdi. Omina yodlayotgan she'rini cho'ntagiga soldi-da, xazonbarglarni erinibgina supura boshladi.

«Qishlog'im - qalb ardog'im» tanloviga

2009-YIL - QISHLOQ TARAQQIYOTI VA FAROVONLIGI YILI

«GULSHAN»IMNI QIZG'ONAMAN



Men Gulshanimni begonalardan qizg'onib yashayman. Qishlog'imiz tog' yon bag'rida joylashganidanmi, havosi toza, u yerdan Shohimardonning zilol suvi oqib o'tadi. Bu suvdan ichgan kishi yana qaytib ichsam deydi.

Qishlog'imizda to'qqizta mahalla bo'lib, ulardan biri karnaychilar mahallasidir. Bu mahallada asosan san'atkorlar yashaydi. U yerning yosh-u keksasi biror-bir musiqa asbobini chalishni biladi. Biri karnay chalsa, biri surnay chaladi, yana biri nay chalib, to'y va tantanalarga fayz kiritadi.

Qishlog'imizda «Qalbi chin ota» ziyoratgohi bor. Aytishlaricha, qadim zamonlarda Haj safariga shu ziyoratgoh

joylashgan joydan o'tib ketayotgan odamlar kunning sovuq bo'lishiga qaramasdan yer chopayotgan dehqonga ko'zlari tushibdi. Salom-alikdan so'ng, dehqon ularga: «Nasib qilsa, qaytishingizga qovun pishadi», debdi. Haqiqatan ham shunday bo'libdi. Hojilar dehqonni duo qilibdilar va: «Siz qalbi chin ota ekansiz», deyishibdi. Shundanmi, dehqonchilikni boshlashdan avval hamqishloqlarim «Qalbi chin ota»da tadbir o'tkazishadi, karnaychilar mahallasi esa xizmatda bo'ladi. Shundan so'nggina yerga urug' ekadilar.

Men ana shunday chin insonga hamqishloq bo'lganimdan faxrlanaman.

Sevara XOLBOYEVA,

Farg'ona viloyati, Farg'ona tumanidagi Gulshan qishlog'i

OSTONA - KICHIK VATAN

Qishlog'imiz nomi Ostona. Unda zamonaviy binolar qad rostlagan. Maktab, do'kon, turli xil o'yingohlar ona yerim ko'rkiga ko'rk bag'ishlagan.

Bizda «Oqmozor» tepaligi bo'lib, u yerga arxeologlar tez-tez kelib turishadi. Tepalikdan ko'plab qadimiy topilmalarni qazib olishgan. Bobomning aytishicha, bu yerlar avvallari Chag'oniyon davlati bo'lib, ziyoratchilarning keti uzilmagan ekan. Ular yerimizni e'zozlab, bu yurt odamlarining mehnatkashligiga va ahilligiga havas qilishgan ekan. Men ana shunday yaxshi insonlar bilan birga ekanligimdan zavqlanaman.

E'zoza JO'RAYEVA,

Surxondaryo viloyati, Denov tumanidagi 30-maktabning 7-«V» sinf o'quvchisi

TAHRIRIYATDAN:

Qadrli o'quvchilar! Yil davomida gazetamiz sahifalarida muntazam e'lon qilib borilayotgan «Qishlog'im - qalb ardog'im» tanloviga yakun yasaldi.

Shu kunga qadar sizlardan ikki yuzdan ortiq maktublar oldik. Ularning har birida siz qishlog'ingiz tarixi va zahmatkash qishloqdoshlaringiz haqida to'liqlanib, mehr bilan yozdingiz. Buning uchun sizlarga tashakkur.

Gazetamizda imkon qadar ko'proq maktublardan foydalanishga harakat qildik. Foydalanilmaganlarini ham qo'shib, tanlov hay'at a'zolariga havola etdik.

Biz uchun barchangiz g'olibsiz. Ammo tanlov tanlov-da. Navbat, g'oliblik shohsupasida ko'rishguncha!


Yayra SA'DULLAYEVA

SHOAZIM SHOAVVOZ

Shoazim yaqinda qiziq odat chiqardi: g'iring desang, «Uri-shasanmi?» deb turib oladi. Yana ko'kragini kerib, gerdayib qo'yadi. Tumshug'iga boplab tushiray deyman-u... Lekin... Bugungi qilg'ichi, judayam oshib tushdi.

Darsga qo'ng'iroq chalinganda, Ergash bilan ikkovlari eshikka baravar kelib qolishdi-yu, bir-birlariga yo'l bermay, xo'roz bo'lib ketishdi. Shoazimvoy Ergashning yoqa-

sidan shunday tutdi-yu, yo'lakka itarib yubordi. Ergash ham qarab o'tirarmidi?! U ham Shoazimga yopishib ketdi. Men biringga arpa, biringga bug'doy, demoqchi



XORIJ HABARLARI

FAZO KEMALARI

Volgogradda o'quvchilar ishtirokida «Ochiq fazo» nomli ko'rik-tanlov o'tkazish rejaga kiritildi. Unda yosh konstruktorlar o'zlarini yasagan raketa va fazoviy kemalari modellari bilan ishtirok etadilar.



Tanlov 2010-yilning fevral oyida yakunlanib, g'olib o'quvchilar ijodlari Bolalar texnik ijodiyot markazida namoyish etiladi.

TUMOV ORTGA CHEKINDI



Yakutskda A/H1N1 tumov keskin kamayishi kuzatilmoqda. Bu ko'rsatkich 15 yoshdan yuqori bo'lgan aholi orasida 58,8 foizdan 11,2 foizga pasaygani aniqlandi. Tadqiqotchilarning ma'lum qilishicha, 35 ta shaharda 7 yoshdan 14 yoshgacha, 30 ta shaharda 3 yoshdan 6 yoshgacha, 26 shaharda chaqaloqlar va 2 yoshgacha bo'lgan bolalar orasida bu xastalik 50 foizga kamaygan.

SAVOLLARGA JAVOB BERDI

O'zbekiston mudofaaga ko'maklashuvchi «Vatanparvar» tashkiloti Toshkent shahar Sergeli tuman Kengashi qoshida tashkil etilgan o'quv-sport texnika klubi tinglovchilari orasida yurtimiz Qomusining 17 yilligiga bag'ishlangan tadbir bo'lib o'tdi. Tadbirda Respublika Ma'naviyat targ'ibot markazining Sergeli tuman bo'limi rahbari Bahodir Haymatov aholining huquqiy savodxonligini yuksaltirishda Konstitutsiyaning roli va ahamiyati haqida o'z fikrlarini bayon etdi.

bo'ldim-u, yana indamadim. Yaxshiyamki, Nuriy Shoazimni orqasidan kelib quchoqlab oldi: – «Qo'y, og'ayni, ustoz kelib qoladilar». Shoazim endi Nuriyga «Urishasanmi, qani, davay!» – dedi qizarib-bo'zarib. Gapiga kulgimiz qistaganini ko'rib, battar tutoqib ketdi.

– Nega kulasanlar, paxan bo'lganimga alam qilyaptimi? Bir kalla qo'yaman.

Ergash baribir yaxshi bola-da. Boshqa indamay ko'ylak-shimini to'g'riladi-da, sinfga kirib ketdi.

Dars tinchlik bilan o'tdi. Ustoz ular o'rtasidagi tortishuvni sezmadilar. Tanaffusda o'qituvchimiz chiqib ketdilar-u, Shoazimning «qilig'i» yana boshlandi. Bu galgi bahonasi polga tushib qolgan qog'oz bo'ldi. U bugun navbatchi edi. Kimdir uning jig'iga tegish uchun ataylab qilganmish. Shoazim qog'oz yonidagi partada

o'tirgan Bahromga yopishib ketdi.

– Ol, sen tashlagansan! – dedi buyruq ohangida.

– Men emas.

– Yo'q, sen! Hozir olasan! Bo'Imasa, yakkama-yakka chiqamiz.

Yana janjal boshlanib ketdi. Bu gal qizlar chidasholmadi shekilli, ular ham janjalga aralashib ketishdi. Hammasidan qizig'i, doim jim yuradigan, kamgap Nozima uning oldiga borib ayovsiz gapirib tashladi:


– Namuncha urishqoqsan? Birinchi paxan bo'lsang, o'zingga!

Shoazim kutilmagan bu «jashorat»dan bir zumgina dovdirab qoldi. Keyin:

– O'g'il bolalarning ishiga nega aralashasan? Urishasanmi? – deb yubordi dabdurdandan, – rost aytayapman, urishasanmi?

– Urishaman! – dedi Nozima qat'iy.

BAYRAM SOVG'ASI



Arxangelskda 22-25-dekabr kunlari «Bolalar huquqini himoya qilish markazi» tomonidan Yangi yil yarmarkasi o'tkaziladi. «Bolalarga bayram sovg'asi» aksiyasi ostida tashkil etilgan yarmarkada 450 nafar kam ta'minlangan oila farzandlariga bayram sovg'alarini taqdim etish rejalashtirilgan.

XAVFSIZ YORITGICHLAR

Rossiya o'quvchilari orasida so'nggi 10 oy davomida 225 ta yo'l-harakati hodisasi kuzatilgan. Bu ko'ngilsiz hodisalarga ko'chalarni yorituvchi chiroqlarning kamligi sabab qilib ko'rsatildi. Qish oylarida kun qisqa bo'lgani uchun hodisalarning aksariyati qorong'uda yuz bermoqda. Yo'l harakati hodisalarini oldini olish maqsadida endilikda nafaqat bolalar, balki kattalar ham qorong'u ko'chalarda yoritgichlar bilan yurishlari lozimligi qat'iy belgilab qo'yildi.

Shu bilan birga, yoshlarning savollariga javob berar ekan, har bir inson o'z mahallasi, oila qo'rg'onini xavf-xatardan asrab-avaylab, Vatanimizni g'arazli xurujlardan himoya qilish ma'naviy jasorat ekanligini ta'kidlab o'tdi.

GULYUZ tayyorladi

GULYUZ tayyorladi

Shoazim osmonga qarab xaxolab kulib yubordi. Qo'shilishib biz ham kulduk.

– Bor, toshingni ter, men qiz bola bilan urishmayman.

– O'g'il bola so'zida turadi. Sen «Urishasanmi?» deding, men «Urishaman», dedim. Qani, boshladik.

Shoazim bu «kekkaygan» qizga o'zini ko'rsatib qo'yimoqchi bo'lib qo'lini ko'targan edi, hamma «voy» deb yubordi. Nozima esa uning bilagidan tutib, orqasiga zarb bilan shunday qayirdiki, Shoazim ingrab yubordi. O'zini o'nglamoqchi bo'lgan edi, ulgurilmadi. Nozima bir harakati bilan uni yiqitib qo'ydi. Shoazimning pachag'i chiqdi. Shunda Nozima uni o'rnidan turg'azib qo'ydi...

– Qani, endiyam sinfdoshimiz duch kelgan bolaga «Urishasanmi?» dermikan?!

TEST



1. E.Vohidov 1974-yilda kimning qaysi asarini o'zbek tiliga tarjima qildi?

- A) Shekspirning «Otello» asarini;
B) Gogolning «Uylanish» asarini;
D) N.Dumbadzening «Hellados» asarini;
E) Gyotening «Faust» asarini.

2. E.Vohidovning ilk she'riy to'plami.

- A) 1960-yil «Yoshlik»;
B) 1969-yil «Yoshlik devoni»;
D) 1961-yil «Tong nafasi»;
E) 1970-yil «O'zbekim».

3. Mashhur tarixiy shaxslar va voqealarni madh etuvchi tantanavor uslubdagi she'r.

- A) qasida;
B) ruboiy;
D) g'azal;
E) tuyuq.

4. O'zbekiston Respublikasi Davlat Madhiyasi matni muallifi kim?

- A) E.Vohidov;
B) A.Oripov;
D) T.To'la;
E) O'.Hoshimov.

5. «O'zbekiston» qasidasi necha satrdan iborat?

- A) 150;
B) 130;
D) 160;
E) 140.

6. «O'zbekiston» qasidasida nima haqda gap ketgan?

- A) tabiat;
B) yulduzlar;
D) Vatan;
E) ota-onalar.

7. 1998-yilda A.Oripovga qanday unvon berilgan?

- A) O'zbekiston xalq shoiri;
B) xizmat ko'rsatgan madaniyat xodimi;
D) «Oliy Majlis» deputati;
E) «O'zbekiston Qahramoni».

8. O'.Umarbekov asarlari qatorini toping.


- A) «O'zbekim», «O'zbekiston»;
B) «Oq gul», «Safsar gul»;
D) «Faust», «Ilohiy komediya»;
E) «Xatingni kutaman», «Yurak so'zlari».

9. A.Qahhor tomonidan yuksak baholangan qissa?

- A) «Sevgim, sevgilim»;
B) «Qizimga maktublar»;
D) «Qiyomat qarzi»;
E) «Yoz yomg'iri».

10. «Qizimga maktublar» asari nima maqsadda yozildi?

- A) insonlarga ruhiy madad berish uchun, o'zligini anglash;
B) yetti pushtini bilish, ibratli fazilatlarga ega bo'lish;
D) hammaga yordam berish, saboq berish;
E) o'zidan yaxshi nom qoldirish.




Bolalar matbuoti, asosan, bolalar hayotidan nafas oladi. Bolalarning g'aroyib hayoti bilan yashaydi, bolalar dunyosini ko'zguda ko'rsatgandek tasvirlaydi. Bolalar va o'smirlarning sevimli jurnali «Gulxan» ham hamisha bolalarning qalbiga quloq solib, ularning orzu-o'ylarini sahifalarida yoritib kelayotgan nashrlardan biri. Keling, yaxshisi, jurnalda amalga oshirilayotgan ibratli ishlar, kelgusi rejalar, umuman, bolalar nashrlari dunyosida kechayotgan o'zgarishlar va bolalar adabiyotidagi qizg'in jarayonlar haqida jurnal Bosh muharriri – taniqli yozuvchi va publitsist, O'zbekistonda xizmat ko'rsatgan jurnalist Ashurali JO'RAYEV bilan bo'lgan suhbatni e'tiboringizga havola etamiz.



JURNALI MEHMONIMIZ



BEG'UBOR OLAMDAN IBORAT



Hayotimning va ijodiy faoliyatimning eng go'zal va unutilmas davri bolalarimizning sevimli nashri – «Gulxan» jurnalida ishlaganim, desam to'g'ri bo'ladi. Chunki bu o'spirinlik hokimiyati hali yaxshiga ham, yomonga ham aylanib ulgurmagan beg'ubor olamdand iborat bo'ladi. U misoli plastilin – mumki, undan arslon ham, sichqon ham yasash mumkin.

Umr o'tadi, biroq, orzu qilardimki, kelajakda kimdir meni ham «Gulxan» jurnalida ishlagan, deb eslasa...

Abdulla ORIPOV,
O'zbekiston Qahramoni, Xalq shoiri

«Gulxan» adabiyotimiz rivoji uchun ham munosib hissa qo'shib kelmoqda. Uning sahifalarida e'lon qilingan ko'plab asarlar adabiyotimiz durdonalariga aylangan. Istagim: «Gulxan» sahifalarini iste'dod durlari hamisha bezab tursin!

Jumaniyoz JABBOROV,
O'zbekiston xalq shoiri

YURAGIMGA JOYLANDI

«Gulxan»jon!

Maktabimizda she'riy mashqlarimni tekshirib, xato, kamchiliklarimni mahorat bilan ko'rsatib beradigan ustozni hali uchratmadim.

Shu sababli, o'z bilganimcha she'r va hikoyalar mashq qilib, tahririyatga yuborgan edim, menga she'r yozish qoidalari, ko'rsatmalari bitilgan xat keldi. Demak, sen mening ilk ustozimsan!

*Mashshoqlarning sozidagi
Jo'shqin kuyni dilga soldim.
Men dunyoda eng baxtliman,
«Gulxan»jondan maktub oldim.*

Juda olis qishloqlarning birida qalbi bir olam umidlarga to'la muxlisang

Adolat ALLABERDIYEVA,
Qashqadaryo viloyati, Dehqonobod tumanidagi
27- maktab o'quvchisi

– Ashurali aka, necha yoshingizdan boshlab qalamga oshno bo'lgansiz?

– Necha yoshligini aniq bilmayman-u, lekin 7-sinfda o'qib yurganimda ilk maqolam chiqqan. Ko'proq tuman gazetasiga yozardim. Asosiy mavzu: maktab va o'quvchi do'stlarim hayoti. Asta-sekin qishloqda sodir bo'layotgan qiziqarli voqealarni yoza boshladim. Qishloqning yaxshi va ilg'or odamlari to'g'risidagi lavhalar gazeta sahifalarini bezadi. Respublika miqyosidagi ilk maqolam «Tong yulduzi» gazetasida bosilganini hamisha hayajon bilan eslayman. Bu menga katta ishonch bag'ishlagan. Agar yanglishmasam, «Qulf» deb nomlangan ilk hikoyam ham shu sevimli gazetada bosilgan. Shu bois, «Tong yulduzi»ni hamisha minnatdorlik bilan tilga olaman.



– Bolaligingizda sodir bo'lgan biror ibratli yoki qiziqarli voqeani eslaysizmi?

– Bolalik aslida bir-biridan qiziqarli va betakror voqealar shodasidan iborat. Qay birini eslamang, ibratli bo'lib tuyulaveradi.

Qishloq bolalari uchun mol boqishning o'ziga xos gashti bor. Kimdir o'ynaydi, kimdir kitob o'qiydi, kimdir biror mavzuda suhbatlashadi, yana kimdir o'qigan yo eshitgan ertagini aytib beradi. Men ko'proq kitob o'qirdim. Ba'zan bobomdan eshitgan ertaklarni bolalarga so'zlab berardim. Shunday ajoyib kunlarning birida kechga yaqin mollarni uyga haydab kelayotganimizda, yo'ldan – qabrison yaqinidan ikki quloqcha keladigan arqon topib oldim. Xursand bo'lib uni uyga olib keldim.

Ishdan vaqtliroq qaytgan otam mollarni ayvonga bog'lashga yordam berdilar. Qo'limdagi arqonni ko'rib:

– Kimniki, qayerdan olding? – deb so'radilar.

– Topib oldim, – dedim xursand bo'lib.

– Qayerdan olgan bo'lsang, o'sha joyga eltib tashla. Nima qilasan bironing narsasini. Darrov olgan joyingga tashlab kel! – dedilar jahl bilan. Va o'sha arqon bilan oyoqlarimni «siladilar». Men oyoqlarim og'rib, ko'zlarimda yosh bilan arqonni olib dalaga jo'nadim. Qorong'u tushib qolgan bois, qabrison nihoyatda vahimali ko'rinib, yuragim dukillab urib ketdi, arqonni u tomonga otdim-u, orqamga qaramay uyga yugurdim.

Bu voqea men uchun bir umr ibrat bo'lib qoldi. Hali-hanuz yo'limda biror narsa yotganini ko'rsam, qaramayman...

Yana bir qiziq voqea: og'zidan doimo saqich tushmaydigan bir sinfdoshimizni sinfimiz devoriy gazetasiga o'zimcha masxara rasmini chizib, tanqid qildim. U janjal qilib, avvalo, devoriy gazetani yirtdi, so'ng men bilan rosa urishdi. Shunda yaxshi bilganmanki, odam tanqidni yomon ko'rarkan. To'g'ri gapni aytib, yozib baloga qolish hech gap emas ekan. Shu-shu o'ylab tanqid qiladigan, tanqidiy mavzuda o'ylab yozadigan bo'lganman. Bunday ibratli voqealar odamni tarbiyalaydi.

– So'nggi paytlarda bolalarning kam kitob o'qiyotgani, ko'proq kompyuter o'yinlariga, qo'l telefonlariga berilib ketayotgani haqida tashvish bilan gapirilayotir va yozilayotir. Nima deb o'ylaysiz, bu hol uzoq davom etadimi yoki o'tkinchimi?

– Faqat bolalarning emas, balki kattalarning ham kitobdan biroz uzoqlashib borayotgani sir emas. Kattalar kitobdan uzoqlashdimi, tabiiyki, bolalar ham uzoqlashadi. O'ylaymanki, bu o'tkinchi holat. Chunki kitob insoniyatning buyuk kashfiyoti. Undan uzoqlashib ketib bo'lmaydi. Endi kompyuter o'yinlarida ham, qo'l telefonlarini ishlatishda ham me'yorni bilish kerak. Me'yorni bilmagan – adashadi. Hozir dunyoning rivojlangan

mamlakatlarida bolalar, ayniqsa, maktab o'quvchilari uchun qo'l telefonlarini cheklash va ta'qiqlash chora-tadbirlari ko'rilayotgani ham fikrimizga dalil.

– O'quvchilik yillaringizda biror-bir xato yo kamchilikka yo'l qo'rganman, deb o'ylaysizmi?

– Bu holat har bir inson hayotida sodir bo'ladi. Bolalik davrida kamchiliklarga yo'l qo'yish esa tabiiy. Aslida, bilsangiz, xatolar va kamchiliklar odamni ulg'aytiradi, uni tarbiyalaydi. O'ylab qaragam, o'quvchilik yillarida unchalik ko'p bo'lmasa-da, xato va kamchiliklarga yo'l qo'rganman. Ko'proq til o'rganmaganimga hali-hanuz achinaman. Ba'zan sport bilan jiddiy shug'ullanmaganimga afsuslanaman. Shu bois, maktablarga uchrashuvlarga borganimda, barcha fanlardan yaxshi, a'lo o'qish bilan birga, ko'proq til o'rganing, sport bilan shug'ullanishdan aslo charchamang, deb qayta-qayta takrorlashdan charchamayman.

– Maktabda qanday baholarga o'qigansiz?

– Faqat a'lo baholarga o'qiganman.

– Ashurali aka, Siz bilan bo'lgan qisqa suhbatimizni yakunlab, barkamol avlodni tarbiyalashdek xayrli ishlaringiz, ijodiy faoliyatingiz ham hamisha a'lo bo'lishini tilab qolamiz. «Gulxan» jamoasining ishlariga hamisha omdalar yor bo'lsin!

– Rahmat.

Sahifani Farhod TOLIPOV tayyorladi

MEN QUYOSHNI UYG'OTAY

Har tong saxiy quyoshning iliq nurlari meni qarshi oladi. U nafaqat meni, balki butun olamni uyg'otadi, go'yo.

- Qiziq, quyoshning o'zini kim uyg'otar ekan-a, buvijon?

Buvijonim kulib qo'ydi.

- Quyoshni men uyg'otсам bo'ladi? - so'rayman ulardan.

- Albatta, lekin buning uchun juda barvaqt uyg'onishing kerak bo'ladi...

Suhbatimizni eshitib qolgan singlim Zilola ham har kuni barvaqt turib, quyoshni uyg'otmoqchi bo'lardi. Bir kuni u hatto tuni bilan uxlamay chiqishga ham qaror qilgan. Lekin baribir tongga yaqin uxlab qolgan va ko'zlarini ochgach quyoshni ko'rib, yig'lab yuborgandi...

Quyoshni uyg'otish menga ham sira nasib qilmagan. Shunda tezroq katta bo'lishni orzu qilardim. Chunki kattalar - oyim, dadam, buvim va buvamlar juda barvaqt uyg'onishardi-da...

Oradan yillar o'tdi. Biz ham ancha ulg'ayib, quyoshni hech kim uyg'otmasligini tushunib yetdik. Buvim singlim ikkimizning bolalikdagi orzularimizni aytib, har zamonda kuldirib qo'yadilar.

Lekin nimagadir o'sha olis bolalik yillarimga qaytgim, quyoshni uyg'otishim mumkinligiga ishongim kelaveradi.

Sarvinoz UMRZOQOVA,
O'zMU qoshidagi Sirojiddinov nomli akademik litsey o'quvchisi

O'zMU qoshidagi Sirojiddinov nomli akademik litsey o'quvchisi

Uch qutida 10 dona qalam bor. Birinchi qutida ikkinchisiga qaraganda 4 ta kam va uchinchisidan 5 dona ko'p qalam bor. Har qaysi qutida necha donadan qalam bor?

1000 dan kichik bo'lgan 5 ga ham, 2 ga ham karrali (ya'ni, bo'linmaydigan) bo'lmagan sonlar nechta?

Dilnoza USMONOVA,
O'zMU qoshidagi Sobir Rahimov akademik litsey o'quvchisi

Ikki xonali sondagi o'nlik soni birliklar sonidan 4 marta kichik, 4 sonning yig'indisi esa eng kichik ikki xonali son. Shu sonni toping.

Sichqon labirint bo'ylab yuguryapti. Labirint shunday tuzilganki, sichqon ikki eshikdan birini tanlashi kerak. Keyin uchdan birini, so'ng to'rtidan birini tanlashi lozim. Eshikdan orqaga qayta olmaydi.

Savol: Necha usul bilan sichqon labirintning boshidan oxirigacha o'tishi mumkin?

- Dada, Alp qayerda? - so'radi Alijon televizor ko'rib o'tirgan dadasidan.

- Oyingdan so'ra, hamisha hamma narsaning o'rnini o'zgartirib qo'yadi.

Ona qiziga dedi:

- Mana senga o'nta konfet. Y a r m i n i ukangga ber.

- Men unga uch t a s i n i beraman.

- Nega, sanashni bilmaysanmi?

- Men-ku bilaman-a, ukam bilmaydi-da...

Otasi yuvinish xonasidan hadeganda chiqavermagan o'g'ildan so'radi:

- Nega tishingni ketma-ket yetti marotaba yuvyapsan?

- Shunday qilsam, hafta davomida yuvmasam ham bo'laveradi-da...

Birinchi sinf o'quvchisiga o'qituvchi tanbeh beryapti:

- Nega dars paytida ovqat yeb o'tiribsan?

- Shunday qilsam, tanaffus paytida bema'lol o'ynayman-da.

QIZIQARLI MASALALAR

MATEMATIKA so'zidagi harflar o'rnini almashirganda, nechta har xil so'zlarni hosil qilish mumkin?

BO'ZON

Salom qadrdonim «Tong yulduzi»!

Maktabimiz kutubxonasidagi taxlamlaringni varaqlab o'tirib, «Quvnoq tanaffus» sahifasidagi «Milliy o'yinlarni o'rganamiz» nomli maqolani o'qib qoldim. Shunda dugonalarim bilan katta tanaffus paytida sevib o'ynaydigan milliy o'yinlarimizdan birini yozib yuborishga ahd qildim:



Bo'zon - qadimgi o'zbek milliy harakatlari bo'lib, keng maydonda (40x35m), maysazorlarda o'ynaladi. O'yin uchun oddiy qiyiqcha (belbog') kerak bo'ladi. Unga bir siqim qum va qiyiq yoki mayda somon solib tugiladi. O'yin har qaysisi olti nafar o'yinchidan iborat ikki jamoa o'rtasida bo'ladi. O'yin boshlanishidan avval maydonning bet chizig'i o'rtasida, 3 metr masofada diametri 1,5 - 2 metr

keladigan doiracha hosil qilinadi. Hakam tugunni maydon markaziga uloqtiradi, ikki tomonda turgan jamoalar markaz tomon yuguradilar.

Birinchi bo'lib tugunchaga yetib borgan bola uni sherigiga, sherigi yana boshqasiga uzatadi.

Tugunni doirachaga birinchi bo'lib olib borib tashlagan tomonga bitta xol (ochko) yoziladi. O'yin shartiga qarab uch daqiqadan 15 daqiqagacha davom etishi mumkin. Bo'zon, shuningdek, sport zallarida ham o'ynaladi.

Shoira BOLIQULOVA,
Sirdaryo viloyati, Xovos tumanidagi 10-umumta'lim maktabning 9-«A» sinf o'quvchisi

O'YINI

Yomg'ir yog'ar tomchilab,
Tomimizni qamchilab


YOMG'IRJON

Yomg'ir yog'ar tomchilab
Tomimizni qamchilab.
Mungli qo'shiq kuylaydi,
Armonlarin so'ylaydi.

Goho yog'ib ko'l bo'lar
Hovuzlar suvga to'lar.
Mayin-mayin yog'ar goh
Namxush bo'lar dala, bog'.

Go'zal uning xonishi
Juda mungli yog'ishi.
Ko'kartirar ekinni,
U yog'sa, suv to'kini.

Muyiba OTAMURODOVA,
Xorazm viloyati, Xazorasp
tumanidagi 4-umumta'lim
o'rta maktabning 7-«V» sinf
o'quvchisi



Mayingina kuylar u,
Maysalarni o'ylar u.
Dillarni xushnud etib,
Agar yog'sa yayrar u.

Mayli, yoqqin yomg'irjon
Yog'avergin bearmon.
Baralla kuyla har on,
Qo'shiq aytgin, yomg'irjon.

QOR

Yog'averar bo'ralab,
Ey, oppoq qorim.
Men senda ko'raman,
Orzu armonim.

Misli kapalakdek
Tushar osmondan.
Zarracha qadr qolmas,
Dilda armondan.

Dillardan ketadi
Sen yog'sang g'ubor.
Oppoq orzularday,
Ey, pokiza qor.

DANTE
ALIGVERI

(1265 – 1321)

Italiyalik mashhur yozuvchi. Yosh Dante o'rta asr maktabida tahsil oldi. 1283-1291 yillarda «Yangi hayot» she'riy to'plamini bitdi. «Ilohiy komediya» uning eng mashhur kitobidir. U uch qism – «Do'zax», «A'rof» va «Jannat» qismlaridan iborat. Asarning har bir qismi 33 qo'shiqdan iborat. Unda jami 100 ta qo'shiq bor.

YUZZLARIDAN
GULLAR O'PGAN

Bobolarim qo'nim topgan,
Yuzlaridan gullar o'pgan.
Yomg'irlar xush ifor sepgan,
Jannatmakon Vatanim bu.

Minorlarda naqshlar ko'p,
Shoirlar ko'p, baxshilar ko'p.
Yaxshilardan yaxshilar ko'p,
Jannatmakon Vatanim bu.

Oltin unar tuprog'ida,
El farovon quchog'ida.
Turar qalblar ardog'ida
Jannatmakon Vatanim bu.

YAXSHILIK

Sen ham maqsad bilan yashagin,
Odamlarga qilgin yaxshilik.
Og'irini sen yengil qilgin,
Bajo ayla odamgarchilik.

Tanti, mard bo'l, aziz do'stinginam,
Muhtojlarga ko'rsat saxovat.
Dardlariga bo'lolgin malham,
Yaxshilikni aylagin odat.

Yaxshilik qil ota-onangga,
Ustozingga ko'rsat ehtiram.
Sodiq bo'lgin do'st-dugonangga,
Sendan qolsin yaxshi degan nom.

Umida SUVONOVA,

Termiz shahar, Termiz tumanidagi
5-umumta'lim maktabining o'quvchisi.

Oz-oz o'rganib, dono bo'lur

Hayot insonni har xil
kuyga solib, turli
muammolarni
ko'ndalang qo'yadi.
Siz ham goho shunday
vaziyatga duch kelasiz.
Aytaylik, do'stingizning
gapidan ranjib
qoldingiz. Shunda u
bilan bahslasha
boshlaysiz.
Bahs, tortishuv kerak.
Donolar: Bahs jamiki
narsalarning padari
deb aytishgan. Aqli
odamlar bosiqlik,
vazminlik bilan bahs
yuritib, xato va
kamchiliklarini
bartaraf etishadi.

BAHSNING
KUCHI

HIKOYA

Anvar aqli bola. Shavkat o'rtoq'i qo'l telefonini
yo'qotib qo'yib, unga tuhmat qildi.

Anvar:

– Menga tuhmat qilma, o'rtoq, qidirib ko'r,
balki biror yerda qoldirgansan! – dedi bosiqlik
bilan.

Shavkat shovqin ko'tardi va «Sotkamni sen
olgansan», deb rosa baqirdi...

Bahsga butun sinf aralashdi. Tortishuv to sinf
rahbari kelguncha davom etdi.

Ertasiga darsga kelgach, qizarib-bo'zarib:

– Anvar, kechir, «sotkam»ni kecha uyda
qoldirgan ekanman! – dedi.

Anvar do'stining yelkasini ohista silab: –
O'rinsiz bahs odamning o'ziga ziyon keltiradi! –
dedi va uni kechirdi.

DONOLAR BAHS
HAQIDA

Kimki nohaq bo'lsa, u birinchi achchiqlanadi.

U.PYEKN

Bahsda go'yo sen uchqur toysan,
Qizishmasang, ko'p yiqilmaysan.

Nosir XUSRAV

BAHONACHI
SUYAR

Yomg'ir tomchilab yog'ar
Tanani junjiktirib.
Shataloq otib Suyar,
Keldi darsga kechikib.

Ustozi so'rar undan:

– Nega kech qolding, Suyar?
U der: – Yomg'ir yo'l bermay,
Usti boshimdan quyur.



MALIKABONU,

Samarqand viloyati, Oqdaryo tumanidagi
18-maktabning 6-«V» sinf o'quvchisi

Aleksandr ASRTRYESOV

TARVUZNI KIM
YEDI?

Ikki do'st – Fil bilan Sichqon hamisha bir-birlari bilan
bahslashib yurar ekanlar. Chunki ularning har biri o'z fikrini
o'tkazishga harakat qilgan ekan. Bir kuni ular tarvuz topib
olishibdi.

– Bahaybat tarvuz ekan! – hayratlanib debdi Sichqon.
Buni hammasini yeb, tugatib bo'lmaydi.


Fil e'tiroz bildiribdi:


– Namuncha kichkina bo'lmasa, no'xotdek keladi-ya,
tishimning kavagida qolib ketadi.

Shunday deb bahslashayotganlarida, Begemot kelib
qolibdi va ularga qarab:


– Sichqon nohaq. Tarvuz katta emas, sichqonning o'zi
juda kichkina. Fil ham yanglishyapti, tarvuz kichkina emas,
uning o'zi juda katta. Tarvuz esa oddiygina, qanday bo'lsa,
shunday. Sizlarga to'g'ri kelmaydi, menga esa ayni
muddao! – debdi-da, rahmat aytib tarvuzni mazza qilib
yeb olibdi.

Zahro HASANOVA tarjimasi





Ishonchim komilki,
O'zbekistonda sport va
birinchi navbatda bolalar sporti-
ni har tomonlama rivojlantirish
uchun qilinayotgan barcha ishlar
-bu o'zbek sportining yangi
zafarlari garovidir.
Islom KARIMOV



SINOVLARDAN BOSHILANAR HAYOT

«Ta'lim to'g'risida»gi qonun va «Maktab ta'limini rivojlantirish Davlat umummilliy dasturi» orqali xayrli ishlar o'z samarasini bera boshladi. Yurtboshimiz tashabbusi bilan joylarda barpo etilayotgan ko'rkam, zamonaviy sport inshootlari sizning xizmatlaringizda. Darhaqiqat, barkamollik yo'lida birgina sport sohasida istiqbol yillarida ko'plab ishlar amalga oshirildi. Ayniqsa, sizning yoshingizga mos harakatli va sport o'yinlarining tashkil

etilib kelinayotganligi jahon hamjamiyati tomonidan e'tirof etilmoqda.

Dunyo miqyosida «Kichik Olimpiada» maqomini olgan uch bosqichli musobaqalar yoshlarimiz faxriga aylandi. Maktab partasidanoq chempionlik sari ilk qadam, aynan «Umid nihollari»dan boshlandi. «Barkamol avlod» hamda oliy o'quv yurtlari talabalarining «Universiada» musobaqalari yoshlarni yangi marralar sari chorlab turibdi.

MUSOBAQADAN MUSOBAQAGACHA

Yildan yilga musobaqalar ommaviyligi oshib bormoqda. Raqibi o'zidan kuchliroq ekanligini bilgan bola mashqlarda toblanib, g'alabaga bo'lgan ishtiyoqi kuchayib bormoqda. Sport bilan muntazam shug'ullanish kundalik ehtiyojiga aylandi. O'z kuchiga, g'ayrati va shijoatiga ishonchi ortmoqda.


2002-yilda Farg'ona viloyatida bo'lib o'tgan «Umid nihollari» musobaqalarining respublika bosqichiga qadar jami 5 mln. nafarga yaqin o'quvchi ishtirok etgan bo'lsa, Xorazm viloyatida o'tkazilgan o'yinlarning dastlabki saralash bahslarida bu ko'rsatkich yanada o'sdi. Mazkur musobaqalarda ishtirokchilar soni Qashqadaryoda, Sirdaryoda bo'lib o'tgan bahslarda ham o'z ifodasini topdi. Shubhasiz, xayrli ishlar musobaqadan musobaqagacha yangi iqtidorlarni kashf etmoqda.

KELAJAKNING IMTIHONI

– Jamoamizning zamon talablariga javob beradigan bazasi yo'q edi, – deydi «Bunyodkor» professional futbol klubi ijrochi direktori Tavakkal Ismoilov. – Bor-yo'g'i bitta mashg'ulot maydoni kattalar, o'rinbosarlar, o'smirlar va bolalar tarkibi uchun xizmat qilayotgandi. Ayni kunda qurilish ishlari jadal olib borilyapti. Sport shaharchasi ikki qismdan iborat bo'lib, birinchisi klubning o'yingohi va mashg'ulot maydonlari, ikkinchi qismi esa bolalar futbol Akademiyasidir. Bu Akademiyaga mamlakatimizning turli viloyatlaridan iqtidorli bolalarni saralab, o'qishga qabul qilamiz. 250 nafar bola viloyatlardan va 150 nafari Toshkent shahridan qabul qilingan iste'dodli bolalar futbol sir-asrorlarini o'rganish bilan birga, shu yerning o'zida o'rta ta'lim dasturi bo'yicha ham saboq oladilar. Akademiyaga kirish shartlari ancha jiddiy. Bolalar bu nufuzli dargohning a'zosi bo'lishlari uchun imtihon topshiradilar. Futbolsevar bolajonlarga shuni mamnuniyat bilan aytamizki, yangi futbol maktabiga sobiq o'zbek futbol yulduzlaridan Baxtiyor Ashurmatov, Rashid G'afurov, Oleg Belyakov, Yorqin Nazarov, Ilhom Mo'minjonov murabbiylikka jalb qilingan.

«Barkamol avlod» yili ostonasiga qadam qo'ygan yoshlarimiz o'z oldilariga qo'ygan har qanday imtihonlardan muvaffaqiyatli o'tishlariga ishonamiz.

Bu ham siz bolajonlar uchun ajoyib tuhfadir. Poytaxtimizda qad rostlayotgan «Toshkent» sport shaharchasida ayni kunda ishlar ko'lami avjida. Quruvchilar eng zamonaviy va qudratli texnikalar



G'OLIBLARNING YANGI MAYDONI

yordamida «Bunyodkor» jamoasi uchun 34 ming o'rinli o'yingoh, yettita turli xil mashg'ulot maydoni, yopiq suv havzasini, bir necha sport zallari hamda bolalar futbol Akademiyasini barpo etishmoqda. Sport shaharchasining umumiy maydoni 36 gektarni tashkil etadi. Usti yopiq ikki qavatli o'yingoh, uning atrofida yugurish yo'lakchalarining yo'qligi muxlis va futbolchilarni bir-biriga yanada yaqinlashtiradi.

Albatta, bu qurilishlarda buyuk kelajak, yoshlarimizni xalqaro maydonlardagi dadil qadami-yu ulkan g'alabasiga tamal toshi qo'yilayotganiga guvoh bo'lamiz. O'ylaymizki, yosh sportchilarning yangi bunyod etilayotgan maydoni, dunyo ahlini lol qoldirajak.



SPORT


FARZAND DEB YASHAYMIZ



Bola ongida o't balosi haqida tasavvur uyg'otish noxush holatlarning kamayishiga ijobiy ta'sir ko'rsatadi. Yong'in xavfsizligi xizmati xodimlari tomonidan maktabgacha tarbiya muassasalarida tez-tez uchrashuvlar, suhbatlar o'tkazish maqsadga muvofiqdir. Aholi turar joy binolari, xonadonlarning yong'in xavfsizligi holatlarini tekshirish mavjud kamchiliklar haqida ma'lumotga ega bo'lish ham yuz berishi mumkin bo'lgan yong'inlarning oldini olishga xizmat qiladi. Mazkur tekshirishlarning bevosita mahalla faollari ishtirokida o'tkazilishi va joyida tahlil qilinishi hududdagi aholini yong'in xavfsizligi qoidalariga jiddiyroq qarashga, yong'inni keltirib chiqaruvchi sabablarini bartaraf etishga undaydi.

Istaymizmi, yo'qmi, bola baribir bola-da, u sho'x va o'yinqaroq bo'ladi, bil'aks, sodir bo'layotgan yong'inlarga aynan shu o'yinqaroq bolalar sababchi bo'lishmoqda. Ularni o't balosidan muhofaza etish uchun qo'limizdan kelgancha yordam ko'rsatyapmiz. Birinchi navbatda, bola ongida o't balosi haqida tasavvur uyg'otish muhimdir. Shu mavzuda o'tkazilayotgan uchrashuvlar o'z samarasini bermoqda.

B.SOG'INDIQOV,
katta serjant



Qizlarimiz uchun mo'ljallab tikilgan g'aroyib sumkachalar va liboslar o'zida milliylik bilan bir qatorda zamonaviylikni ham mujassamlashtirgan. Men va dugonamga Olga Mixaylovna tomonidan ko'rgazmaga qo'yilgan asl shoyi va ipak matolaridan tikilgan ro'mol va sharflar ko'proq yoqdi. Milliy an'analarimizni o'zida aks ettirgan bu kabi ko'rgazma va tadbirlar ko'proq bo'lishini istardik.

Shahlo XOLMATOVA,
yosh muxbirimiz

Bolalar bizning kelajagimiz. Ularni asrab-avaylab, har taraflama yetuk inson bo'lib kamol topishlariga barchamiz javobgarmiz. Shunday ekan, ulardan nasihatlarimizni ayamasligimiz kerak. Nima uchun murg'ak go'daklar bizning loqaydligimiz oqibatida otash qurboni bo'lishi kerak?! Hech kim o'z farzandini nogiron bo'lib qolishini xohlamaydi, albatta. Yong'in esa bir necha soniyada insonni mol-mulkidan va yaqinlaridan ajrata oladigan bir ofatdir.

Bolalarni yong'indan asrang, yaxshilar!

Zoyir AKBAROV,
kapitan

BILASIZMI?

Dunyoda eng kuchli bolakay qayerda yashashini bilasizmi? Uning ismi-sharifi Juliano Stroedir. Bu bolakay asli ruminiyalik bo'lib, hozir Italiyada yashaydi. Ginnesning rekordlar kitobiga kiritilgan bu bolakay ikki yoshidan boshlab shtanga bilan shug'ullana boshlagan. Otasi bilan doimo sport zaliga qatnagan. Ammo shifokorlar uning bu harakatini ma'qullamay, o'sib kelayotgan organizmga zararli bo'lishi mumkin, deb ta'kidlashmoqda.

Olmani muntazam iste'mol qilib yurgan odamning umri uzun bo'larkan. U nafaqat umrni, balki inson organizmini ham yoshartirar ekan. Bunday xulosani Britaniya olimlari ilgari surishmoqda. Demak, olmani kun davomida iste'mol qilib yuring.

Begemot juda ulkan bo'lsa ham, odamga qaraganda tez yugurar ekan.



Tahririyatimizning jonkuyarlaridan bo'lmish Ma'mura opamiz va Zubayda singlimizni tug'ilgan kunlari bilan tabriklaymiz.

JAMOA

SKANVORD

Yo'l	Qush	G'alla	Is-tak	Yap-roq	Far-zand	Shi-rinlik	Sa-bab
Tadbir	Asaka avtosi	Muchdl yili	It zoti	Juft tana	Ulkan, katta	She'r vazni	Eron valyutasi
San'at	Hiyla	Badiy ijod turi	Torli soz	Mir-karim... (adib)	Ra-qam	Ozod-lik oroli	Rus shoiri
Farg'ona vodiysi shahri	Orzu	Poytaxti Qohira	Qizil sayyora	Otaning opasi	Xabar berish vositasi	Chi-dam	Mada-niyat maskani
Alan-ga	Erkak ismi	Yozuv qoidasi	Bahor guli	Ekin-zor	She'r turi	Mil-lat	Xamirli taom
Tomon-sha zali qismi	Raqamli o'yin	Yutuq hisobi	Ko'hna "plug"	Bo'lin-mas zarra	Chin, haqiqat	Mo'y-safid	Hu-zur

Foziljon ORIPOV tuzdi



Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markaziy Kengashi,
«SOG'LOM AVLOD UCHUN» hukumatga qarashli bo'lmagan Xalqaro xayriya jamg'armasi.

BOSH MUHARRIR:
To'lqin HAYITOV

Dizaynerlar:
Fazliddin SHOYDOROV,
Olovuddin ORIPOV
Navbatchilar:
Axtamqul KARIM,
Yusuf ABDULLAYEV

Gazeta O'zbekiston Matbuot va axborot agentligida 0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
G'ayrat SHOUMAROV,
Svetlana INOMOVA,
Qahramon QURANBOYEV,
Odina JAMOLDINOVA,
Jabbor RAZZOQOV,
Murtazo SULTONOV,
Feruz JALILOVA
(Bosh muharrir o'rinbosari),
Feruz ADILOVA
(mas'ul kotib),
Dilmurod RAHMATILLAYEV,
Dilshoda DADAJONOVA

Manzilibiz:
Toshkent shahri,
Navoiy ko'chasi, 30-uy.
Indeks: 700129.
Obuna indeksi: 198.
e-mail: tong1924@mail.ru
Tel: 244-27-25, 244-63-08
Tel./faks:
(99871) 244-38-10

«O'zbekiston» nashriyot-matbaa ijodiy uyida chop etildi.
Haftaning dushanba kuni chiqadi.
Shakli A-3,
2 bosma taboq.
ISSN 2010-6092
Adadi - 28057
Buyurtma N: J 8612